

## UGOVOR

Zaključen između:

**BOSNA I HERCEGOVINA - USTAVNI SUD BOSNE I HERCEGOVINE**, Sarajevo, ulica Reisa Džemaludina Čauševića 6/III, Sarajevo, koga zastupa Mirsad Ćeman, predsjednik Ustavnog suda Bosne i Hercegovine, (u daljem tekstu: **Kupac**),

i

**AC QUATTRO d.o.o.**, Put života br. 1, Sarajevo, koga zastupa Mirza Alispahić, direktor (u daljem tekstu: **Prodavac**).

### Član 1.

Predmet ovog ugovora je nabavka i isporuka jednog putničkog motornog vozila za potrebe Kupca prema definisanim uslovima iz tenderske dokumentacije broj P3-1003/17 od 25. oktobra 2017. godine i prema sadržaju ponude broj 005-294/17 od 28. novembra 2017. godine sa kojom je Prodavac učestvovao u provedenom postupku konkurentskog zahtjeva za dostavljanje ponuda, a koja je sastavni dio ovog ugovora.

### Član 2.

Cijena motornog vozila iz člana 1, ovog ugovora iznosi 51.111,11 KM bez uračunatog PDV-a odnosno 59.800,00 KM sa uračunatim PDV-om.

Prodajna cijena podrazumjeva isporuku motornog vozila franko sjedište Prodavca, ocarinjeno i oporezovano.

### Član 3.

Kupac se obavezuje da će, s obzirom na sistem trezorskog poslovanja institucija BiH, odmah, a najkasnije u roku od 7 (sedam) dana po kvalitativnom i kvantitativnom prijemu robe bez primjedaba i prijemu fakture, fakturu proslijediti na plaćanje Ministarstvu finansija i trezora BiH.

Prodavac je saglasan da Kupcu neće zaračunavati kamate za zakašnjenje prilikom plaćanja preko Trezora, ako je Kupac u ugovorenom roku predao nalog za plaćanje Trezoru BiH.

### Član 4.

Isporuka motornog vozila iz člana 1. ovog ugovora će se izvršiti najkasnije do 15. januara 2018. godine.

### Član 5.

Obaveza Kupca je da motorno vozilo iz člana 1. ovog ugovora preuzme na adresi Prodavca, prema specifikaciji iz člana 7. ovog ugovora.

### Član 6.

Prodavac garantuje da će isporučeno motorno vozilo biti tvornički novo, neupotrebljavano, originalno i da će funkcionisati saglasno deklarisanim performansama.

Garancija za isporučeno motorno vozilo je 4 (četiri) godine na motor, 3 (tri) godine na boju-lak i 12 (dvanaest) godina na prohrđavanje karoserije, a nakon toga je osiguran servis.

U toku garantnog roka iz stava (2) ovog člana, Prodavac se obavezuje da će u slučaju kvara isporučenog motornog vozila, otkloniti kvar na vozilu u roku od tri dana od poziva Kupca i obezbjediti zamjensko vozilo u rangi isporučenog motornog vozila.

Prodavac je obavezan dostaviti garanciju za vozilo i detaljne podatke o načinu i uslovima servisiranja motornog vozila u garantnom i vangarantnom roku.

### Član 7.

Sastavni dio ovog ugovora je specifikacija za motorno vozilo sa serijskom i dodatnom opremom, sa iskazanim količinama, jediničnom cijenom, iznosima PDV-a i ukupnom cijenom, koju je Prodavac priložio u svojoj ponudi broj 005-294/17 od 28. novembra 2017. godine za učešće u konkurentskom zahtjevu za dostavljanje ponuda.

### Član 8.

Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

Na odnose između ugovornih strana koji nisu uređeni ovim ugovorom primjenjuju se odredbe Zakona o obligacionim odnosima u BiH.

### Član 10.

Ovaj ugovor stupa na snagu danom potpisivanja od strane ovlaštenih lica ugovornih organa.

### Član 11.

Ovaj ugovor je sačinjen u 4 (četiri) istovjetna primjerka, od kojih obje ugovorne strane zadržavaju po 2 (dva) primjerka.

ZA PRODAVCA

  
  
Mirza Alispahić  
Direktor  
Sarajevo, 19.12.2017.  
Broj: 239/2017

ZA KUPCA

  
  
Mirsad Ćeman  
Predsjednik Ustavnog suda BiH  
Sarajevo, 12.12.2017.  
Broj: P3-1003/17